



一碗燒燒个板圓

寒風呼呼滾緊吹，雪雨掃掃滾緊落，恁冷个天時，你想食麼个？佢就想食一碗阿姆煮个燒燒个板圓，燒暖自家霜凍个手腳，燒暖自家个圓身。

從細到大，逐擺阿姆愛煮板圓个時節，就會先喊佢兜姊妹仔搵手掙板圓。姊妹仔圍在圓桌脣頂，阿姆搵磨好砵燥个糯米糰，緊△緊斷(don)，斷做一細截一細截，放到毛簾板帕个面頂。佢兜姊妹仔，搶等同斷好个板糰拈起來掙。一屋下人共下，圍等圓桌掙板圓个畫面，到今，還刻在佢兜姊妹仔个腦殼裡肚。

還細時節，巴掌嫻還吉發育完全，細細隻个手巴掌，淨做得掙一粒、兩粒个板圓。有成時，兩粒還會黏到共下，掙到變一大粒，遽遽，又愛摻佢分開來，掙過！佢當佩服吾兩個阿姊，手巴掌毋會比佢較大，毋過佢這兜都做得一擺掙四粒个板圓，掙到一粒一粒圓圓，平平恁勻大。實在當沙鼻哦！

成擺仔，吾姆也會同板糰揀兜仔大紅，無就放兜仔焯過个番薯共下△，△出紅色、黃色、吊菜色个板糰。斷做一截一截，掙出一粒一粒紅色、黃色、吊菜色个板圓，同白雪雪个板圓放到共下，加添色目，十分打眼。掙好个板圓，愛放分佢較燥水兜仔，正做得收起來落鑊。

板圓愛煮來好食，各個毛末節就愛當注意。好比煮板圓个湯頭，愛用大骨炆个、無就愛用雞仔焯過个，湯頭凝油，正會香、正好有味緒。食慣地阿姆煮个板圓，阿姆煮板圓放个配料，正係真工夫：油放落去，蝦蜚仔、三層肉切砵(kud)、香菇切片、紅蔥頭、辣椒仔，加兜仔鹽共下焯(biag)熟焯香。掙好个板圓分佢燥水過，放到滾水裡肚，等到拋拋滾，一粒一粒个板圓，在滾水面頂浮浮胖胖，熟地！就好撈到湯頭裡肚，配料落落下去，再煮分佢滾來，艾菜、芹菜放落去，蓋仔拿好、火擲忒，就做得撿碗筷，準備好食哩啲！

在這天時恁冷个時節，食一碗燒燒个板圓，做得燒暖自家霜凍个手腳，做得燒暖自家个圓身。恁著從細到大，佢兜姊妹仔同阿姆共下掙板圓，共下食板圓个情景，心肝肚實在當燒暖哦！

作者：邱一帆

☆詞彙學習☆

【呼呼滾】fu fu gun：形容風聲。

【掃掃滾】so so gun：形容雨聲。

【掙板圓】no ban ien：搓製湯圓。

【砵燥】zag zau：壓乾。

【毛簾】mo lan：竹編平底圓籃。

【大紅】tai fung：紅色食用色素。

【打眼】da ngien：搶眼、顯目。

【微毛末節】mi mo mad jied：枝微末節。

【三層肉】sam cen ngiug：五花肉。

【蝦蜚仔】ha bi e：小蝦米。

【浮浮胖胖】po po pang pang：東西漂浮在液體上。

☆文法學習☆

【掙過】no go：重新搓揉。「V_{動詞}＋過」，此處的「過」是表示動作重新再做一次。

例1：字寫毋著，愛掙忒寫過。（字寫錯了，要擦掉重寫。）

例2：若該雙鞋，鞋底過忒地，好買過新个哩！（你那雙鞋，鞋底磨平了，該買過新的了！）